



# RELATÓRIU AUDITORIA SEGURANSA BA FETO

## Merkadu

### Antesedente

Fatin ida-ne'ebé seguru ba feto sira mak importante tebes, hodi asegura sira-nia asesu ba direitu fundamentál, informasaun no servisu. aliña ho Planu Asaun Nasional ba Violensia Bazeia ba Jeneru iha Timor-Leste 2022-2032, Programa Konjunta **Hamutuk ba Igualdade (T4E)**, ne'ebé implementa husi UN Women, UNDP, UNFPA, no IOM, ho objetivu atu prevene no responde ba Violensia Bazeia ba Jeneru liuhusi kria fatin públiku ne'ebé seguru ba feto sira.

Auditoria Seguransa Feto (ASF), instrumentu ida-ne'ebé dezenvolve ona iha Kanada no refinadu/hadi'a husi UN-HABITAT, nu'udar instrumentu atu identifika fatór sira ne'ebé bele hamosu no aumentu violénsia hasoru feto no labarik-feto sira (VKFLF) no fó rekomendasaun atu hasa'e seguransa ba fatin públiku sira.

Hanesan parte husi programa T4E ne'ebé implementa husi **Rede Feto Timor-Leste** no nia membru implementador sira (**UFD Baucau, Esperança, FKSH** no **MANEO**), sei halo auditoria ba fatin públiku 16 no instituisaun públiku 8 iha munisípiu haat ho instrumentu ASF nian.

Inisiativa ida-ne'e, ne'ebé fasilita husi Rede Feto ho apoiu tékniku husi UN Women no apoiu finanseiru husi KOICA, ninia objetivu mak atu avalia no propoin rekomendasaun sira atu hadi'a seguransa, inkluzividade no asesibilidade iha fatin públiku ba feto sira.

### Ambitu

Auditoria Seguransa ba Feto avalia situausaun seguransa ba feto sira iha área merkadu 8 ne'ebé identifikadu, entre fulan Outubru 2022 – Outubru 2023.

Iha total partisipante na'in 498 (feto 319 no mane 179) mak partisipa iha kamiñada Auditoria Seguransa Feto ne'e, representa munisípiu Dili, RAEOA, Covalima no Baucau. Merkadu 8 ne'e inklui:

- **Dili** - Merkadu Taibessi
- **Baucau** - Merkadu Terminal no Merkadu Foun
- **RAEOA** - Merkadu Numbei Market no Merkadu Maumate
- **Covalima** - Markado Tuan, Markado Foun no Merkadu Salele

### Metodolojia

Avaliasaun ida-ne'e envolve parte interesada lokál sira iha kolesaun dadus uza metodolojia kuantitativa no kualitativa, inklui Diskusaun Grupu Foku, kamiñada Auditoria Seguransa Feto, no enkontru validasaun, haforsa no promove na'in ba asuntu seguransa hodi halo merkadu sira seguru liu ba feto no labarik-feto sira iha Timor-Leste.



Vendedora ida fa'an hela nia sasan iha merkadu kota baru Baucau. Foto: Jaime Luis\_UN Women Timor-Leste

## Deskobrimentu

### Nível persepsaun jerál kona-ba seguransa


Area sentina iha merkadu hotu-hotu sai hanesan preokupasaun boot ida ba seguransa no limpeza entre ema uza merkadu sira, ho 40% hatudu ta'uk no 36% la konfortavel, enkuantu 16% de'it mak hatan katak ida-ne'e aseitavel no 8% sente konfortavel, hatudu katak ida-ne'e la konfortavel duni.

Nune'e mós seksaun konstrusaun uma merkadu iha persepsaun mistura kona-ba seguransa, ho 38% hatudu ta'uk no 31% la konfortavel. Maske nune'e, 20% hatete katak ida-ne'e aseitavel no 11% sente konfortavel, hatudu katak maske preokupasaun, proporsaan signifikante husi respondente sira hatete ida-ne'e seguru no konfortavel.


Area soe lixu nian konsidera hanesan ta'uk husi 37% husi respondente sira no la kontente husi 44%, ne'ebé hatudu nivel preokupasaun ne'ebé aas ba limpeza no seguransa. Só 11% de'it mak hetan katak ida-ne'e aseitavel, no 8% mak sente konfortavel, hodi hatudu katak iha dezatisfasaun boot ho área ida-ne'e.

Persepsaun kona-ba seguransa la hanesan iha área sira seluk ne'ebé hetan avaliasaun iha merkadu laran. Iha dalan tama, maioria respondente sira iha persepsaun ne'ebé relativamente pozitivu, ho 9% de'it mak hatudu ta'uk, 40% sente la konfortavel, 41% konsidera katak aseitavel, no 10% konsidera konfortavel. Maibé, dalan sira la'o sira ne'e hatudu persepsaun ne'ebé mistura liu, ho 34% haree ta'uk, 31% sente la kontente, 20% sente katak ida-ne'e aseitavel, no 15% sente konfortavel.


Preokupasaun kona-ba limpeza no seguransa barak liu iha área sira hanesan vendedor sentina iha duut-laran, kantina no matadouru sira, ho persentajen aas husi respondente sira ne'ebé hato'o hanesan alerta ida. Maske iha área balun ne'ebé konsidera hanesan aseitavel ka konfortavel, hatán ba preokupasaun seguransa no implementa protokolu seguransa ne'ebé di'ak liu iha merkadu tomak ne'e importante tebes.



Persepsaun kona-ba seguransa iha sentina hosi merkadu 8



Persepsaun kona-ba seguransa iha merkadu / uma hosi merkadu 3



Persepsaun kona-ba seguransa iha Area soe lixu fatin husi 4 Merkadu



Respondente 40% sentin **ta'uk** ho fasilidade toilet no 44% senti **la konfortavel** ho fatin soe foer.





# Problema seguransa ne'ebé identifika

## Ambiente Fíziku



### Iluminasaun la di'ak ka la suficiente

Preokupasaun boot ida iha merkadu 8 husi munisipiu 4 hotu ne'ebé halo auditoria iluminaasaun la adekua. 47% husi respondente sira hato'o sira-nia preokupasaun kona-ba laiha iluminaasaun la adekua iha sentina merkadu, ne'ebé tau risku seguransa no ijiene ba fetu no labarik-fetu sira. Aleinde ne'e, 100% husi respondente sira relata katak iluminaasaun la adekua iha área kriticu sira hanesan restaurante, matadouru, fatin vendedor sira iha estrada ninin, sentina sira ne'ebé lokaliza iha área sira ne'ebé iha duut-laran, no fatin sira ne'ebé abandona hela. 88% relata naroman ne'ebé fraku iha área estasionamentu, 63% iha dalan tama merkadu, no 28% iha área sira ne'ebé decide ona atu soe lixu, ne'ebé fó impaktu ba vizibilidade no seguransa, liuliu iha kalan. 25% de'it husi respondente sira hatudu preokupasaun kona-ba iluminaasaun iha uma merkadu laran, no 22% iha dalan la'o nian.

### Nakloke



37% husi respondente sira ne'ebé la'o liu merkadu 8 relata preokupasaun kona-ba privasidade iha sentina, enkuantu 100% husi respondente sira husi munisipiu ida nota problema hanesan iha área kriticu sira hanesan kantina, matadouru, fatin vendedor sira iha estrada ninin, sentina sira ne'ebé lokaliza iha área sira iha duut-laran, no fatin sira ne'ebé abandona hela. So iha 36% deit mak espresa sentimentu hanesan ba iha dalan tama ba merkadu. Rezultadu hirak-ne'e subliña preokupasaun potenciál kona-ba privasidade no seguransa iha área merkadu sira hotu, sujere nesesidade ba intervensaun atu hasa'e seguransa no konfortabilidade ba vizitante, vendedor, no kliente sira.

### Vizibilidade la di'ak



100% husi respondente sira prekupa ho iluminaasaun ne'ebé la diak iha area kriticu sira hanesan kantina, fa'a na'an fatin, area fa'an sasan iha estrada ibun, sentina sira ne'ebé lokaliza iha área duut-laran no fatin sira ne'ebé abandona hela, Ida ne'e hatudu potencia risku ba seguransa no ijenia tamba fatin ladun naroman. Preokupasaun moderadu iha sentina, maski preokupasaun vizibilidade menus iha área sira hanesan dalan tama, área merkadu/uma, dalan la'o-ain, fatin vendedor, no estasionamentu, maibé sira nafatin subliña risku seguransa potenciál no difikuldade navigasaun ba vizitante, vendedor, no kliente sira iha ambiente merkadu.

### Kondisaun la di'ak iha dalan la'o fatin



80% husi respondente sira hatudu problema sira ne'ebé ladún di'ak no konjestaun iha merkadu 4 nia dalan tama, hodi impede ba vendedor no kliente sira la'o iha area merkadu ho seguru. Aleinde ne'e, 100% husi respondente sira hato'o preokupasaun hanesan kona-ba vendedor sira-nia área iha estrada ninin, kantina sira, matadouru, fatin sira ne'ebé abandona hela, no sentina sira iha duut-laran. 60% husi preokupasaun sira kona-ba arranju dalan la'o-ain ne'ebé la di'ak ba área estasionamentu, no 40% ba sentina sira iha merkadu 8 hotu-hotu, hodi subliña nesesidade ba intervensaun sira atu hadi'a asesibilidade no aseguara protesaun iha ambiente merkadu ba fetu no labarik-fetu sira.

### Seguransa/Protesaun la di'ak



100% husi respondente sira identifika asuntu seguransa iha área espesífiku sira hanesan sentina iha área sira ne'ebé iha duut-laran, kantina, matadouru, fatin/ uma ba vendedor sira, no fatin sira ne'ebé abandona hela. Nune'e mós, 96% hato'o preokupasaun kona-ba seguransa iha área estasionamentu, 73% iha dalan tama merkadu, 56% iha área vendedor, no 50% iha sentina merkadu. Preokupasaun hirak-ne'e iha ligasaun ho falta pesoál seguransa no postu seguransa sira ne'ebé besikka iha merkadu laran, indika risku potenciál ba vendedor no kliente sira.

## Ambiente Sosial

### Densidade públiku ne'ebe aas



100% husi respondente sira hato'o sira-nia preokupasaun kona-ba potenciál perigu seguransa ba vendedor no kliente sira iha fatin espesífiku sira hanesan kantinar, matadouru, área sira ne'ebé no fatin ne'ebé abandonahela, no área vendedor sira iha estrada ninin. Aleinde ne'e, 92% hatudu konjestaun iha área estasionamentu, 59% iha merkadu nia dalan tama, 56% iha área vendedor sira iha merkadu laran, 43% iha sentina merkadu ualu ne'e hotu, no 27% de'it iha área sira ne'ebé decide ona atu soe lixu, indika risku seguransa potenciál ba fetu no labarik-fetu sira no mós preokupasaun konjestaun.

### Diversidade Jéneru



34% husi respondente sira hato'o sira-nia preokupasaun kona-ba dezeñu merkadu, privasidade, seguransa, no asesibilidade sentina merkadu ba fetu no labarik-fetu sira iha merkadu ualu ne'e hotu, hodi nota kestaun sira ne'ebé reliona ho densidade ka ema-lubun husi mane no labarik-mane sira iha área hirak-ne'e. 100% husi respondente sira fahe preokupasaun ne'ebé hanesan kona-ba fatin sira ne'ebé abandona hela iha merkadu, kantina, matadouru, área fa'an fatin iha estrada ninin sira, ho 92% hato'o sira-nia sentimentu hanesan kona-ba estasionamentu iha merkadu, no 51% kona-ba dalan tama iha merkadu. Enkuantu proporsaun ki'ik liu husi respondente sira relata preokupasaun hanesan kona-ba fatin soe fo'er (23%) no dalan la'o (9%). Rezultadu hirak-ne'e subliña importánsia atu promove inkluaun no hasoru obstákulu potenciál sira ne'ebé fetu no individuál sira hasoru husi jéneru oioin atu prevene asediu.

# Rekomendasaun ba Tempu badak

Tuir mai mak rekomendasaun sira ba **Governu** atu foti asaun imediata



## Hadi'a infraestrutura iluminasaun

Aloka fundu ba instalasaun iluminasaun ho ahi-sensor movimentu nian no inklui planu hadi'a fazeada iha Planu Asaun Anuál (PAA) 2025 no iha futuru.



## Reforsa medida seguransa fízika

Aumenta kuantidade pesoal seguransa. Instala kamera vijilansia, implementa barreira fízika no inklui planu hadi'a fazeada iha Planu Asaun Anuál (PAA) 2025 no iha futuru.



## Kria espasu seguru dezignadu

Identifika no designa área seguru iha instituisaun públiku sira no inklui planu hadi'a fazeada iha Planu Asaun Anuál (PAA) 2025 no iha futuru.

iha ne'ebé **organizasaun sosiedade sivil sira** iha papel kritiku atu monitoriza progresu no halo advokasia ho instituisaun governu relevante. Enkuantu papel husi **parseiru dezemvolvimentu** sira mak atu fornese apoio tékniku no suporta esforsu advokasia.

# Rekomendasaun ba tempu naruk



## Optimiza dalan la'o fatin atu aseguara seguransa no asesibilidade

**Governu:** Hala'o avaliasaun hodi identifika risku seguransa sira. Asegura dalan lao ne'ebé mantén ho di'ak, asesível, no iluminadu tuir dalan ne'ebé adekuaudu

**Organizasaun Sosiedade sivil:** Partisipa iha avaliasaun no fó kontribuisaun kona-ba risku seguransa sira. Monitoriza manutensaun ba dalan ba'a'o nian.

**Parseiru Dezemvolvimentu:** Fornese suporta tékniku no suporta esforsu advokasia.



## Promove diversidade jéneru no inkluzividade

**Governu:** Implementa polítika no iniciativa sira atu promove diversidade jéneru no inkluzividade.

**Organizasaun Sosiedade sivil:** Monitoriza implementasaun polítika diversidade jéneru. Halo advokasia ba inkluzividade iha instituisaun públiku.

**Parseiru Dezemvolvimentu:** Fornese rekursu no suporta ba programadiversidade jéneru.



## Enkoraja envolvimentu komunitária no programa konxensializaun

**Governu:** Organiza kolókiu seguransa, patrolha komunitária, no programas estensaun sira.

**Organizasaun Sosiedade sivil:** Partisipa iha no fó suporta ba atividade envolvimentu komunitária.

**Parseiru Dezemvolvimentu:** Fornese fundu no rekursu ba programa envolvimentu komunitária.

# Kustu

Estimativa kustu ba implementasaun ba mellora seguransa iha merkadu 8 agora dadaun la disponivel tanba iha ámbitu oin-oin ne'ebé prezisa atu hadi'a. Maibé, importante tebes atu aloka fundus ne'ebé adekuaudu hodi responde ba preokupasaun seguransa hirak-ne'e.

Ba hadi'a sitausaun ne'e prezisa orsamentu boot, di'ak tebes atu planeia intervensaun hirak-ne'e iha faze sira atu aseguara utilizasaun rekursu ho eficiente no implementasaun ho efetiva. Aproximasaun faze ida-ne'e permite prioritizasaun ba nesidade seguransa kritiku sira, no mós konsidera limitasaun orsamentál no disponibilidade rekursu iha tempu oin.

## Kontaktu Detallu:

Domingas doa Santos Saldanha Alberto  
Ofisial Advokasia, **Rede Feto Timor-Leste**  
+670 77356663/amyng.saldanha@gmail.com

